

欽定戶部漕運全書

欽定戶部漕運全書卷八十五目錄

通漕禁令

裁革陋規

裁革陋規

嘉慶四年江西巡撫張誠基將該省州縣收漕並旗丁在省出運使費開單奏准革除共十五款

州縣收漕各項使費

一各州縣徵漕兌運有運省水脚修倉鋪墊及執事書吏差役斗級舵籬人夫飯食等項費用各處米有多寡費無一定查各州縣收漕例有額徵卿耗米石報部支銷近來用項悉屬浮多

嚴飭各屬嗣後撙節支用毋許仍前糜費

一炭丁銀卽幫費每船需銀一百六七十兩

一各衙門查漕催漕人役雜費每届自數十兩至百餘兩不等

旗丁每年出運本省各項陋規

一每船十年大造籤丁府州縣衛各衙門有呈官禮批送過堂等名目及衛弁往回夫馬船隻雜費多寡不同約銀三四十兩至五六十兩不等

一每船領運衛弁年規銀四兩

一每船折總運同知通判修船銀一兩二錢

一每船折糧道衙門書役人等修船銀七錢二

分

一每船糧道書吏紙筆銀二兩四錢

一每船衛弁公館租銀一兩

旗丁每年出運沿途各項陋規

一三汊河濟寧天津通州巡漕衙門每幫雜費
銀約三十餘兩至五六十兩不等

一揚州并淮關查船有過幫禮例帶土物多寡不同數目無從約計

一沿途各衙門催船及籤盤弁兵人役使費每幫約共需銀二十餘兩至三十兩不等

一通州住船每幫需馬頭費錢三千文

一通州各衙門書差等一切雜費每幫需銀二百餘兩至三百兩不等

一備帶本省土宜沿途零送每幫約需銀二三百兩

一嘉慶四年奉

上諭前經降旨清理漕弊據岳起荆道乾先後奏到應行革除陋規清單交戶部通行有漕省分督撫及總漕巡漕倉場各衙門將一應陋規永遠禁革自此次飭諭之後倘有陽奉陰違一經查出必當從重治罪等因欽此

安徽巡撫荆道乾奏准革除陋規共四十款

旗丁每運雜用陋規

一每船分送衛官米三石約作銀五兩零

一每船幫書造冊飯銀二兩

一每船衛書造冊紙張飯食銀一兩二錢

一每船府書紙張飯食銀一兩二錢

一押幫總運雇巡船一隻每船貼費銀八錢

一每船押運廳書紙張飯食銀六錢

一每船分次府廳衛幫散幫各項銀三兩

一每船在次各委員催兌催開飯食銀六兩五

錢

一每船防江營催船飯食銀五錢

一每船江防廳催船飯食銀五錢

一每船監兌廳書差紙張飯食銀五錢

一每船道書造冊紙張飯食銀二兩

一每船過道籤盤飯食銀五錢

一每船進瓜洲口投文飯食銀二錢

一每船瓜洲投文紙張飯食銀一兩五錢

一每船揚關投文紙張飯食銀二錢

一每船雇倩走差人夫沿途粘貼印花及開據

營汛飯食銀二兩五錢

一每船沿途住船營汛照料飯食銀三兩

以上計銀三十餘兩名曰南賬

一每船過淮籤盤飯食銀八錢

一每船漕書紙張飯食銀一兩

一每船臺莊投交飯食銀五錢

一每船濟寧投交紙張飯食銀一二兩五錢

一每船臨清投交紙張飯食銀六錢

一每船桑園投交紙張飯食銀三錢

一每船安陵投交紙張飯食銀六錢

一每船天津投文紙張飯食銀一兩五錢

一每船通州投文紙張飯食銀一兩五錢

一每船到通營汛住船銀二兩

一每船到通提船住船飯食銀三兩

一每船到通舍人驗米及各衙門雜費約需銀

八兩

一每船倉場院書飯食銀二兩

一每船坐糧廳書紙張飯食銀二兩

一每船坐糧廳驗費銀五兩

一每船倉場投驗全單銀五錢

一每船投批銀一兩

一每船坐糧廳投驗全單銀五錢

一每船京倉交納席竹倉收飯食銀二兩

一每船重運沿途漕委紙張飯食銀四兩

一每船赴通交糧另雇色夫工價飯食約需銀

六兩

一每船到通交糧付經紀過斛銀三十兩

以上計銀七十五兩三錢各曰北賑

一旗丁每船約得州縣陋規銀二百餘兩

江蘇巡撫岳起奏准革除陋規共五款

旗丁每年出運所得陋規

一每船向州縣額外索取銀約二百三四十兩至七八十兩不等

一每船應兌收漕米間有改收折色銀兩自數十石至百餘石不等

旗丁每年出運所費陋規

一自水次催兌催開並沿途催趲委員本幫本

衛以及廳道漕院官吏一切雜費約共需銀一

百兩名曰南賑

一沿途催趲官兵及三處巡漕衙門雜費約共
需銀五十兩

一至通州北壩一切雜費約共需銀八十餘兩
名曰北賑

一嘉慶四年奉

上諭陳大文奏山東省漕船三十九隻得過各州縣
貼陋規銀五千餘兩而用項內如坐糧廳驗米費銀

四百兩倉場衙門料房漕房等費自八十至二百餘兩不等又本幫領運千總使費銀七百兩本衛守備年規銀四百十二兩生日節規十六兩其總漕巡漕及糧道各衙門皆有陋規下至班頭軍牢轎馬費自數兩至數十兩者不一而足實爲漕務蠹弊本應嚴行治罪姑念人數過多事屬已往免其深究自此次清釐之後凡有漕省分督撫及總漕倉場等務當實力稽查督率辦理如敢仍蹈前轍准旗丁據實控告必當按律計贓論罪決不寬貸將此通諭知之欽此

一嘉慶五年奉

上諭朕聞通州北壩等處奸役盤剝旗丁交米勒索使費現在剔除漕弊轉瞬新漕抵通屆期朕必特派大臣侍衛等前往稽察並另派人密訪倘有前項情弊則惟達慶鄒炳泰是問欽此

嘉慶五年湖北巡撫高杞將湖北各幫旗丁所得州縣并所出例給及私贈陋規開單奏准革除共十五款

旗丁所得州縣陋規

一每船在次受兌各州縣幫貼銀四五十兩不等現已禁革

旗丁所出例給並私贈陋規

一重運書役辦漕紙張飯食銀四錢例准每船給銀八分

一總運雇募書役紙張飯食銀一錢以每幫六十船覈計共銀六兩例准每幫給銀一兩

一過關查驗投文銀三分以每幫六十船覈計共銀一兩八錢例准每幫給銀五錢

一總漕衙門籤盤及投文掛號驗領全長二單銀二錢以每幫六十船覈計共銀十二兩例准給銀五錢

一沿途開壩營汛粘貼印花銀一兩二三錢不等以每幫六十船覈計共銀七十餘兩例准每幫給銀二錢

以上例規之外每幫加添銀一百一十兩零將例給之項照舊給與加添之項均行革除旗丁所用違例陋規

一 空運規禮胥役紙張飯食巡船等項每幫銀九十六兩零

一 重運規禮租公所及巡船夫馬飯食等項每幫銀一百四十四兩

一 總運規禮租公所及巡船飯食等項每幫銀一百四十四兩

一 各衛所規禮書役紙張飯食夫馬等項每幫銀一百八十兩

一 糧道押漕盤費並門包每幫銀六百兩

金匱要略卷之二十三
九
一糧道各房書吏紙筆盤費飯食及各夫役飯食每幫銀一百二十兩

一沿途催趲文武委員及四處巡漕並門丁書差飯食等項每幫銀三百七十八兩

一通州經紀交卸弔載舍厚夫利市及交倉席竹進倉飯食車腳等項每幫銀一千四百三四十兩不等

一通州各衙門一切各項雜費每幫銀三百三四十兩不等

以上違例陋規每幫銀三千四百四十餘兩
均應革除並知會沿途各衙門一體查禁

嘉慶五年護理湖南巡撫通恩等將湖南各幫
運丁需索州縣陋規及沿途浮費開單奏准革
除共四十七款

一每船分送衛官米五石作銀七兩零

一每船衛書造冊差役飯食米三石作銀五兩

零

一每船總運巡船貼費等項銀三兩二錢

一每船押運廳書差紙張飯食銀一兩八錢

一每船重運官貼費銀三兩二錢

一每船幫書造冊紙張差役飯食銀一兩八錢

一每船府書點驗紙張飯食銀五錢

一每船送空運米一石給銀一兩二錢

一每船監兌廳書差紙張飯食銀六錢

一每船在次各委員催兌催開飯食銀一兩二

錢

一每船在次衛重空閒運各住房銀一兩三四

錢

一每船在漢住船委員等項銀二兩

一每船防江營催船飯食銀五錢

一每船江防廳催船飯食銀五錢

一每船道書各房造冊紙張飯食銀一兩

一每船道差押兌及茶號米一石銀一兩二三

錢

一每船蕪湖關費銀一兩

一每船龍江關費銀七錢

一每船進瓜洲口投交飯食銀二錢

一每船瓜洲投交紙張飯食銀一兩

一每船揚關投交紙張并過關飯食銀一兩五

錢至三四兩不等每年不同

一每船雇倩夫差人夫沿途粘貼印花及開壩

營汛飯食銀五兩

一每船沿途營汛照料飯食銀三兩

一每船所帶撥船淮揚九江宿遷等關共費銀

十六七兩至二十兩不等每年不同

一每船天津投文紙張飯食銀二兩二錢

一每船通州投文紙張飯食銀二兩五錢

一每船到通營汛住船飯食銀一兩五六錢不

等

一每船到通提船住船飯食銀二兩零

一每船到通舍人驗米及各衙門雜費銀十二

二兩

一每船倉場院書飯食銀二兩三四錢

一每船坐糧廳書飯食銀二兩

一每船坐糧廳驗米費銀七兩

一每船倉場投驗全單銀五錢

一每船投驗批銀一兩

一每船坐糧廳投驗全單銀五錢

一每船京倉交納席竹倉收飯食銀三兩

一每船沿途漕委飯食銀十一二兩不等

一每船到通交糧付經紀過斛銀三十兩

一每船赴通交糧另雇笆夫工價銀八兩

以上計銀九十餘兩名曰北賑

一旗丁索增幫費不遂扣留支兌各單誣稟該縣欠交米石及漕費錢文合依誣告人徒罪加所誣罪三等杖九十徒二年半代爲說合致滋事端之縣書照不應重律杖八十失察之領運千總監兌通判並押運在途未卽就近提訊之糧道一併交部查議

嘉慶七年

一吳江縣知縣辦漕不善每次兌漕因丁力拮据量爲津貼又給刁生劣監漕規將公項挪移至二萬兩以上照侵盜錢糧例擬斬監候勒限

監追職員生監等在倉吵鬧挾詐欺官勒索陋
規均按律治罪漕書違例多收斛面又慫恿本
官暗給陋規以致虧挪庫項應杖一百徒三年
得受津貼銀兩之幫丁等應照不應重律杖八
十其曾食漕規之生監等奏請查提責處嘉慶
十年欽奉

上諭生監皆讀書人今以一案而罪犯責處者至三百
餘名之多聞之殊不愜意但該生監身列膠庠不守
卧碑輒敢恃符尋衅挾制官長吵鬧漕倉強索規費

此直無賴棍徒之所爲豈復尙成士類朕聞各省劣
衿往往出入公門干預非分以收漕一節持地方官
之短長而江蘇爲尤甚各該州縣或平日與之交結
遂其取求慾壑旣盈卽遇不肖官吏實有網利營私
等事亦復袒庇不言徒使鄉里小民暗遭朘削設稍
不遂意則遇事輒生枝節每屆開徵時捏交醜米藉
端滋事動卽以浮收漕糧列名上控其實家無擔石
無非包攬交收視爲利藪此等惡習大壞名教今吳
江一縣分得漕規生監已有三百餘人其餘郡縣可

想而知朕培養士子至優且渥原望其束身自愛鍵
戶讀書並當勸化閭里愚民知所觀法方不愧四民
之首乃蕩檢踰閑至於此極尙覲然廁身士林乎所
有吳景修等三百十四名朕卽概加以扑責亦其自
取但欲養其廉恥此次姑免責處予以自新之路嗣
後著鐵保汪志伊會同莫晉督飭該教官等嚴切教
導隨時管束務使該生監等痛滌前非安分守法如
遇收漕時該州縣果有浮收入已情事自應據實劾
叅倘生監等不知悛改仍蹈故轍或此外刁劣紳衿

有把持漕務訛詐陋規等事砌詞控告審屬子虛者
一經查出卽當奏明從嚴治罪決不寬貸不僅扑作
教刑士子自不惜廉恥朕亦不能廢法博譽總之士
林爲風化所關待之優正以責之厚朕嘉惠士子然
於此等敗類亦斷不肯稍事姑容必欲輓回積習而
後已該生監等其各凜遵訓諭立品懷刑慎毋聽之
藐藐自蹈罪愆致貽後悔將此通諭知之摺併發欽

此

一嘉慶十二年奉

上諭據多隆武叅奏山東壽張營遊擊周開第收受南糧各幫船餽送米酒等物已明降諭旨將周開第革職交楊志信審擬具奏矣漕糧爲天庾正供各幫輓運北上所有沿途經過地方該管營員等自應實力催儆妥爲照料俾得迅速進行不容私通餽遺乃周開第所受酒米等物計伊手摺登記已有五十餘幫均經致送竟成相沿陋規試思漕船輓運經由處所遠近不一沿河員弁隨在皆是今周開第一人如此則其他可知是該營丁等於幫船開運之時卽須先

將應送米酒等物預爲備辦無怪受兌則浮收漕糧抵壩則短缺米石且各幫因裝載土宜過多行走亦皆濡遲糧船弊竇恐不免由此叢生不可不加意剔釐以肅漕政著漕運總督倉場侍郎及有漕省分各督撫通行飭諭各員弁等務須潔已奉公毋蹈周開第之覆轍倘經此次訓諭後仍有私受餽送簠簋不飭情事卽著據實嚴叅懲辦欽此

一嘉慶十四年奉

上諭朕恭閱

世宗憲皇帝實錄內載雍正二年五月欽奉

諭旨朕惟漕運關係甚大經費本無不敷而運丁恣行不法者皆由官弁剝削所致如開兌之時糧道發給錢糧任意剋扣而僉丁之都司監兌之通判又多誅求及至啟行沿途武弁借催糧爲名百計需索又過淮盤查私貨徒滋擾累運丁力不能支因而盜賣漕糧偷竊爲匪嗣後各督撫不時查察如有仍前需索等弊立即指叅從重治罪庶運丁漸有起色保守身家凜遵約束禁官吏之侵削卽所以戢旗丁之刁悍

等因欽此

聖訓煌煌尋源探本可見當日漕運之弊與目前情形正同而所以整飭而釐剔之者數十年以後之措施早垂

成憲近日有漕省分諸督撫指陳漕弊無非稱旗丁等提溜打聞等項費用繁多其所謂設法調劑者無非多給兌費殊不知弊端之大費用之廣總由糧道之剋扣於先弁員之需索於後至提溜打聞等項未嘗不稍有所費而丁力之不足實在此不在彼也旗丁

等花費既多復隱有自肥之計一遇交兌之際藉端訛索毫無忌憚甚且沿途盜賣米石而州縣官既爲旗丁所苦復藉旗丁爲名當徵收之時多方浮折其實在受累者惟花戶而已是則恤民之道全在恤丁而裁弊之源必須裁費前經屢降諭旨將各衙門需索款項並糧道剋扣舊習一切禁革淨盡仍交該督撫嚴查密訪若再有隱蹈前轍者務當據實糾叅從重治罪使旗丁刁悍之習不敢自除州縣苛斂之風不禁自止漕運庶日有起色也凜之將此通諭知之

欽此

一嘉慶十四年太常寺少卿馬履泰奏吏役需索旗丁使費確數

一巡撫書吏年規每幫二十四兩

一藩司書吏年規每幫七十餘兩

一糧道書吏年規每幫六百餘兩遇有新事需索不等

一知府書吏年規每幫三十餘兩

一巡撫委副將等員催船開運兵役需費一二

十兩不等

一糧道委干總三員催兌催開每員需費一二
十兩

一總運同知年規每幫一百兩

一衛守備年規每幫二百四十兩長隨三十六
兩書吏五十兩

一重運千總年規每幫六百兩貼坐船銀五十
兩書役三十餘兩

一空運千總每幫一百餘兩

一頭船沿途包給河督漕院巡撫各委員使費
每幫五百餘兩

一淮上總漕籤盤書吏需費每幫五百兩

一漕院委員通同各閘閘夫浮開提溜打閘人
數每船較前多費二三十兩不等

一倉場衙門書吏坐派廠口每幫一百二十兩
一倉場坐糧廳一切差役及旗鑼執事人等每
幫給銀五十餘兩

一坐糧廳驗米費每幫四百八十兩交該管書

吏送入本年運丁探聽得坐糧廳不要此費而書吏照常需索其給與否臣尚未知

一坐糧廳書吏年規每幫二百兩又索王恕園寺施捨銀二兩

一坐糧廳舍人打樣米及糧船停泊地面名曰地鋪銀每幫一百五六十兩若旗丁米色不齊又須另行賄囑否則立即呈出封船鎖拏

一經紀起米每船年規制錢三四十千

以上所列各費卽就一幫五十號船而論計一

年索去銀七千四百餘兩仰請

皇上勅下巡撫河漕倉場各大吏認真查察倘有官弁
仍前收受陋規立即指名糾叅吏役人等尙復
照前需索卽行革役治罪大吏不實力訪查別
經叅奏告發必予從嚴議處再不肖奸丁及撥
船水手用水用藥漲發米石以致遺患倉廩昧
良可惡應另立專條盡法懲治以肅漕政等因
奉

上諭馬履泰奏訪明吏役需索旗丁使費確數一摺並

開單呈覽所奏甚爲詳細近年漕務之弊各督撫等皆以旗丁苦累需索州縣幫費爲詞追究其苦累之由則惟稱旗丁等於提溜打間以及沿途撥淺等事路費不敷勢難裁減而於此外概未論及今據馬履泰所奏則自巡撫藩司糧道總漕倉場各衙門以及沿途文武各員書吏經紀人等內外共十九處每處需索使費或數百兩或數十兩皆有一定之數不能短少旗丁被逼追呼如同逋欠其苦累之處莫甚於此馬履泰所開之單自非臆造今就一幫五十船而

論每年卽需銀七千四百餘兩之多况船數尙不止於此旗丁力不能支自不得不於兌運之時向州縣橫索州縣計無所出遂不得不於開徵之日向百姓浮收弊源不清伊於何底該督撫等不先查辦及此殊未得其要領著傳諭有漕各督撫暨總漕倉場等自本年爲始所有單開各衙門書吏以及委員經紀人等各項陋規俱著一概裁革並責成巡漕御史一體嚴查密訪如官吏等有私自勒索著分別查拏究辦並准旗丁指名首告如果此外提溜打鬧撥淺等

事比從前不無多費再行量加調劑旗丁等浮費既除運費又足此後設仍向州縣橫索兌費不肯開行著該督撫嚴拏究辦馬履泰原摺原單著一併發抄俾各督撫總漕按款周知逐一查辦倘奉行不力仍任書吏需索如前則是有意縱容故留積弊大負委任如續有叅奏或別經發覺朕惟該督撫總漕等是問將此通諭知之欽此

一嘉慶十五年湖廣總督汪志伊等奏湖北幫船出運道里自武昌省城水次至通州三十六

站計程四千三百二十里嘉慶五年清查漕弊
案內除草去陋規之外據旗丁開報沿途應用
之費每船約需銀八百十餘兩該丁領項每船
總計自三百八十餘兩至四百二十餘兩不等
雖用費多於領項但彼時曾經奏明此項費用
原係各丁自行開報其中是否浮多難以深悉
且所報之處亦指漕船厯運多次修費較增及
遇水大風阻須用多夫輓拽或水淺多雇撥船
起米者而言如遇風色順利河道通暢即可節

省並非定需用至八百餘兩該丁等又蒙

恩於原備篩颺米內每石劃出二升七合六抄發給津貼復經加帶土宜用度寬裕所有沿途應用提溜打閘等費應聽各旗丁自便若必明定數目使其得項多於用費則前曾據報每船用至八百餘兩而取領僅及其半在官項既無可復加又未便飭令州縣增給致得藉口浮收勒折且再歷數年設使旗丁又以什物昂貴爲詞勢必難於爲繼此時惟有永禁各處需索之陋規嚴

杜發領錢糧之剋扣不必另加調劑用費自無
不足應請自十五年爲始旗丁在糧道衙門領
銀之時則令出具丁書差役並無扣剋甘結各
幫開行之時則令廳弁書役出具並無需索陋
規等結由道加結申送督撫衙門於開幫時聲
明具奏至過淮抵通則由總漕巡漕倉場侍郎
將丁書經紀人等並無需索陋規取具旗丁甘
結陳奏一次倘扶同徇隱卽將與者受者同科
以應得之罪等因奉

硃批裁革陋規最爲切要勉力辦理欽此

一東省抵通較近回空最早向無土宜可帶每
年出運之先由道行文各運官嚴革陋規如運
官等向州縣索取規費並同旗丁索取財物嚴
行究辦

嘉慶十
五年

一糧船停泊地面起撥處所舍役打取樣米經
紀過斛兌收倘有胥役人等並無籍棍徒訛索
使費者許該弁兵等指名稟首以憑盡法究治
如旗丁等甘心給予因米醜數短賄通經紀等

舞弊掩蓋一經查出卽奏送刑部嚴審治罪

嘉慶

十七年

一道光元年奉

上諭據成齡陳若霖奏會議辦理浙江漕務一摺浙
省漕額較多其徵漕之杭嘉湖三府州縣與江蘇
接壤其漕弊大約相似今欲返積重之勢先當去
其已甚乃可徐議革除如該漕督等所奏幫費未
能盡裁沿途陋規未能盡革浮收未能盡去在此
時亦祇能如此辦理均卽照所議旗丁幫費准其

津貼銀三錢四錢不得有逾四錢之數其從前調濟錢米兌費加兌峯尖樣米各名目俱永遠裁革沿途陋規總須照舊有之數實加刪減至少亦須裁去十之三四州縣收漕每石餘米二斗五升無分紳士農民概以八折交收此外不得浮加顆粒此緣積弊已深一時不能驟革不得已且示以限制該漕督等當飭令實力遵行不可陽奉陰違仍期遞年量減漸符舊制在州縣責成該撫督率糧道知府等認真稽察在途責成該漕督董率糧道

運官等嚴飭遵辦如有例外多索之事各據實嚴
叅懲辦勿稍瞻徇將此諭令知之欽此

一江西巡撫奏准江西幫費陋規兩項仿照江
蘇概令酌減一半其津貼銀兩每船從無過三
百兩者如於額外需索加增卽將頭伍嚴拏治
罪至徵收漕糧除南昌府屬之武寧奉新兩縣
本有隨漕津貼無庸徵收餘米外其餘有漕州
縣每漕米一石收餘米二斗五升概以八折徵
收此外不許稍加顆粒

道光
元年

一道光二年奉

上諭漕船過閘起撥不無需費而尖丁積蠹之勒索
兌費剋扣散丁因得有所藉口該漕督將閘壩著
名刁橫夫頭盡行革逐并酌定關纜人夫需費刊
刻木榜通行曉諭俾衆共知所辦甚好其一切陋
規使費雖經嚴行禁革恐不肖官丁吏役日久玩
生該漕督總當身先倡率慎終如始隨時認真查
辦毋得日久視爲具文勉副委任至幫丁積蠹既
有常德廣馬回子著名刁橫務卽訪查明確嚴拏

懲辦此外如有把持盤剥之尖丁亦卽一併拏究以肅漕政欽此

一道光八年奉

上諭御史奇成額奏漕糧爲天庾正供州縣辦理不善往往爲刁生劣監挾制始而包攬掇交繼而砌詞控告州縣因其刁健給予漕規藉以調停消弭該生等視爲故常祇知取之於官不知官仍取之於民矜監多一人分肥卽閭閻多一分苦累蘇州太倉松江常州等處積弊尤甚竟有勒索漕規至

盈千累百之多並有一人兼索數州縣漕規者此而不嚴行懲辦何以甦民困而戢刁風著江蘇巡撫並有漕直省各督撫一體查察盡法懲治務期弊絕風清以肅漕政欽此

一道光二十六年欽奉

上諭給事中董宗遠奏運弁閘官需索幫費請飭嚴查叅辦一摺向來各省派委總運等官原以督押重運約束旗丁隨時稽察催償期於漕行迅速若如該給事中所奏各省總運官及各幫運弁皆以押運爲美

差需索旗丁以致旗丁刁難州縣任意搭帶貨物運
官等受其餽送卽不能不聽其遷延又沿途分段稽
察之員向來派至數十人之多在上司旣藉以調劑
若輩遂任意貪婪更有沿途開官於糧艘過關時按
幫索費俾旗丁日益疲累漕行日難迅速實於運務
大有關係著通諭漕運河道各總督及有漕地方各
督撫隨時密訪認真嚴查如有前項弊端立即指名
參辦毋得稍涉瞻徇以利漕行而除積弊欽此

一道光二十八年欽奉

上諭前據彭蘊章奏裁減漕船幫費當交戶部議奏茲據該部覈議具奏漕糧爲天庾正供自應裁減浮費杜絕弊端庶使小民樂於輸將州縣易於交兌源源轉輸倉儲日裕乃近來自州縣之徵收沿途之轉運以及各倉之出納節節視爲利藪致使旗丁需索幫費每歲加增幾成積重難返之勢因而紳衿之包庇船戶之偷竊胥役之侵漁種種弊端相沿日甚若不從嚴整頓流弊何所終極著有漕省分各督撫暨河道漕運各總督倉場侍郎等悉心體察力清其源源

之不清流從何止在督撫等則應先行出示本年徵收漕糧只准循照舊章不准絲毫增益兼須剴諭旗丁不得需索州縣該州縣等禁其取之於民何能爲爾輩魚肉其在漕運河道總督又應嚴禁委員開官巡漕等員告以旗丁旣無取利該員等如敢詐取分毫准旗丁立即喊訴懲辦其有藉端需索暨勒不放開等弊從嚴治罪至於倉場侍郎尤應飭令坐糧廳潔已奉公禁止收受漕規並嚴查經紀人等勒索旗丁財物旗丁不取之於州縣何能爲經紀等所挾持

總之一氣相通其利全散之於烏合之衆而其害則
滴滴歸源皆培克於吾民也該大臣等豈無一二見
及此者特日久相沿因循滋甚又不能聯爲一體互
相提撕遂使天庾之供歲形短絀該大臣等若不振
刷精神趁此誥誡之時狂瀾力挽將來官民交困有
誤正供其將何術以補救耶悔之晚矣著有漕各督
撫卽將此次諭旨徧示各州縣剴諭各村莊河道漕
運各總督暨倉場侍郎亦徧示官吏軍民人等一體
凜遵勿干功令儻有違者迅卽懲辦務使層層去膜

削之害小民有蘇息之時該州縣等尙敢藉口於兌費之日增而重斂吾民乎另片奏籌辦全漕等語漕務浮費太繁州縣無所賠償以致報災減運希圖節省近年招商採買本年又試行海運豈能恃爲長策若明歲新漕額數仍復短少何以籌裕倉儲上年有漕各督撫暨漕運倉場衙門覆奏減費等事其浮費每歲裁革若干未據切實聲明而漕額果否能足尤未議及著卽體察中外大局通盤籌畫將從前一切浮費如何革除嗣後各省全漕如何起運悉心會議

詳晰聯銜具奏務期令行禁止弊絕風清朕以愛民爲心該大臣等以正供爲念斷未有令不行而弊不絕者凜之凜之餘依議欽此

一道光二十八年欽奉

上諭前據董瀛山奏請革除漕糧積弊一摺當交戶部議奏茲據該部逐款酌覈請飭從嚴禁革漕糧爲天庾正供然自兌運以迄驗收百弊叢生日甚一日若如該侍讀學士所奏包漕則有樣米扣頭等名目又有茶飯串票各花費良懦者額外浮科刁健者包攬

短絀加以隱熟報災徃徃以彼處之饑饉影射此地之災荒書役勾通侵吞朦蔽又漕船每幫均有丁頭剋扣衆丁錢糧幾及十分之七又分扣各船漕糧變價苦累衆丁甚或偷糧自給種種弊端總緣州縣浮收勒折匪徒挾制營私甚至勾串冒災任意侵蝕扣費累丁相沿成習以致節節挾制若不嚴查懲辦流弊伊於胡底著漕運總督及有漕各督撫遴委員弁明查暗訪如有前項情弊立即嚴拏重究並將各該地方官據實查奏其總運領運各員弁儻查有收受

陋規隱瞞包庇情事著一併嚴叅治罪毋稍瞻徇至
漕糧抵通驗收經紀需索陋規有各種名目以規費
之有無定米質之高下致使攙和發漲不能久儲尤
堪痛恨並著倉場侍郎嚴密稽查有犯必懲不准稍
涉疏縱以肅漕政而重倉儲將此通諭知之欽此

一道光二十九年欽奉

上諭前據吳文鎔奏酌減漕船幫費並片奏通壩用款
減成給發等語當交戶部議奏茲據奏稱旗丁領運
例有行月銀米等項以資濟運浙江又於例給之外

每石給子津貼銀兩辦運自應裕如乃近年浮費比
前增至數倍該撫請將嘉興府屬幫費減去三成杭
州湖州二府屬減去二成若以每石二兩覈計則所
謂減去三成二成者較之江蘇松江府最多之四百
兩仍增數倍徒有裁減之名並無裁減之實江浙事
同一例數目如此懸殊該部自不能歧議况幫費名
目瑣屑不堪豈可任其相沿滋弊著吳文鎔將所有
名目概行革除斷不准概以空言分別減三減二卽
著照松江府屬部議成案每船裝米千石幫費至多

不准過四百兩以昭畫一議妥之後據實具奏如幫
丁等敢於藉詞需索各州縣仍藉詞停收卽從嚴叅
辦該撫正當整頓之際一切毫無廻護若不趁此時
力挽頽風當何待耶至通壩爲交糧總匯幫丁運米
交倉該處經紀以費之有無高下其手是通壩陋規
實爲諸弊之歸宿此弊不除則州縣取之於民幫丁
仍索之於州縣而刁難挾制經紀實不免魚肉幫丁
積弊相因變本加厲著倉場侍郎悉心查察嚴飭坐
糧廳於幫船抵通逐幫親驗如果米色純潔迅卽督

令斛收無恃經紀等爲耳目致令任意挑斥受其愚弄而不知儻查有高下之弊立即嚴辦該坐糧廳等每多上考候簡之員豈竟坐視因循不思振作甘心爲衆流之所歸乎轉瞬新漕抵壩爾倉場侍郎等其加意凜之勉之欽此

一道光二十九年欽奉

上諭德誠吳鍾駿奏江西幫呈出浮費款目請旨嚴禁等語各省漕糧撥船臨駛向係天津通永二道經管惟江西幫路遠時遲每年軍船不能到壩撥運浮費

較他省爲尤甚著訥爾經額嚴飭該道等認真查禁
永遠革除儻有徇隱卽行嚴叅毋稍姑容至經紀起
卸漕糧除每袋例給個兒錢文外原不准分毫多取
今旣查有浮費恐不獨江西一省爲然並著德誠等
督同坐糧廳隨時查訪務期有犯必懲以肅漕政餘
著照所擬辦理欽此

一道光二十九年欽奉

上諭戶部奏遵議陸費琅奏裁定漕運浮費等語湖南
幫費節次裁存現在並將例外濫索之各項浮費概

行裁革是幫丁所取較前有減而該撫所議歲徵漕費每石加收銀五釐幫丁取之州縣者既少何以州縣取之於民者轉有增添况每年所減共計若干並未據實聲明而每石所增確有數目殊失恤民之意著該督撫嚴禁口袋花紅等項名目將實在革除數目查明具奏仍嚴飭該藩司糧道等悉心釐剔明察賄訪如仍蹈故轍卽將該州縣嚴叅加等懲辦等因

欽此

一道光二十九年欽奉

上諭趙炳言奏湖南漕運浮費口袋等五項共需銀二千四百餘兩著概行革除至每石加銀五釐雖共止加銀七百六十餘兩究屬例外增添著毋庸議欽此
一同治四年欽奉

上諭馬新貽奏覈減漕南浮收禁革陋規以肅漕政一摺浙江正漕前經降旨分別覈減並准部議以漕項籌抵運費皆所以軫恤民艱茲據馬新貽奏稱請將額外浮收痛加裁汰覈實酌留耗餘辦公以蘇民困計杭州府屬共可減浮收米六萬四千六百餘石嘉

興府屬共可減浮收米二十八萬五千三百餘石湖州府屬共可減浮收米十三萬六千八百餘石杭嘉湖三府南米共可減浮收折色錢二十四萬七千餘串從前一切陋規概行裁汰各等語卽著照所請將留裁各款目造冊存案並著該撫等明白曉示勒石永禁漕糧概完本色其有情願完折者按照市價收納悉聽民便至杭屬之新城於潛昌化等縣漕糧向收折色官爲辦運仍著照舊辦理按照市價徵收儻有不肖州縣仍敢蹈從前勒折浮收陋習卽著該督

撫嚴叅治罪至所稱析省大戶完漕並不加耗甚至把持包攬等弊經此次改定新章之後紳民一律徵收不准有大小戶名目再分軒輊儻有紳士等恃勢把持仍前包攬短交著一併從嚴叅辦等因欽此

一同治四年欽奉

上諭李鴻章劉鄘膏奏查明蘇松等屬裁除浮收實數並請旨永禁大小戶名目等弊一摺前因江蘇蘇松常鎮太等府州屬額賦太重經該省督撫等奏請裁減按照全額計減去制錢四十萬餘千當經降旨允

行朝廷加恩閭閻實足以蘇民困惟江蘇積習已久
各州縣徵收漕糧之時如有大戶藉詞抗欠任意短
交致各州縣有所藉口而裁減之惠徒以供不肖官
紳之腴削而無益於民嗣後江蘇各州縣開徵漕折
不准復立大小戶名目其包漕索規等弊著一併永
遠禁革如有京外職官舉貢生監仍藉大戶爲名與
各州縣爲難營私抗玩卽著該省督撫奏請覘革從
嚴懲辦該督撫務當督飭各屬秉公徵收不准於例
定折價之外稍有存冒抑勒違則從嚴叅辦此旨卽

著李鴻章等勒石遵行並出示曉諭俾紳民咸知咸
奮一律清完餘著照所議辦理單併發另片奏前浙
江孝豐縣知縣趙廷彩應完趙貽德等戶銀米經長
洲縣再四催追趙廷彩自居大戶挺身阻撓請革職
押追等語江蘇漕務甫立新章該紳膽敢出身抗撓
若不從嚴懲治何以肅漕政而儆刁風趙廷彩著先
行革職交李鴻章等提案押追儻仍違玩不遵卽著
按律懲辦毋稍寬縱欽此

一同治五年欽奉

上諭前據李鴻章等奏查明蘇松等屬裁除浮收實數
禁止大小戶名目當經降旨令該督等勒石遵行茲
復據李鴻章等將減定徵漕餘耗折價各數查明具
奏開單呈覽計蘇州府屬一廳九縣減定賦額應徵
米五十五萬九百餘石共減去浮收米十九萬二千
八百餘石減去浮收錢七十五萬三千五百餘串松
江府屬一廳七縣減定賦額應徵米三十一萬九百
餘石共減去浮收米十萬八千八百餘石減去浮收
錢五十萬五千七百餘串常州府屬八縣減定賦額

應徵米三十二萬三百餘石共減去浮收米七萬三千石零減去浮收錢二十一萬五千二百餘串太倉州併所屬三縣減定賦額應徵米十一萬五百餘石太倉鎮洋二州縣共減去折價浮收錢九萬四千串零嘉定寶山二縣共減去折價浮收錢十萬七千六百餘串以上蘇松常太四府州屬共減去浮收米三十七萬四千六百餘石減去浮收錢一百六十七萬六千二百餘串又蘇松常鎮太四府一州所屬各廳縣共額徵銀二百十五萬兩零折收錢文除鎮江府

屬未定外蘇松常太四府州屬共減去浮收錢四十萬餘串該署督等卽將減去浮收實數欽遵勒石永遠奉行餘著照所議辦理該部知道單併發欽此

欽定戶部漕運全書卷八
六月錄

通漕禁令

嚴禁抗頑

嚴禁抗頑

一領運弁丁如有借端擾害過往官商船隻及

恣橫生事者沿河督撫鎮道等官照營兵鼓譟

例先從重處治一面題參送刑部究處

議單
舊本

一官丁兌漕勒加耗米銀兩違例橫行捆縛糧

長凌虐州縣者官丁盡法究懲該管糧道從重

參處

順治十
二年

一運丁水手如糾衆抗延停斛不兌挾衆鼓譟

毆傷州縣監兌等官並搶劫官銀爲首爲從俱

嚴加究處

順治十三年

一領運官丁有夾帶私販貨物隱藏犯法人口倚恃勢力行克害人借名阻礙河道搶劫民船者康熙元年欽奉

諭旨令督漕並地方各官一有見聞卽行奏奏務將官

丁嚴提治以重罪若徇情不奏亦卽從重處治欽此

一官丁赴兌漕糧爭索斛面酒席譟辱糧官者

運官以故縱例議處旗丁俟船糧抵通之日嚴

行究治

康熙三年

一回空糧船乘機擅闖關閘依片乘船經過關

津不服盤驗律杖一百爲從減一等杖九十

康熙

四十
九年

一兩省幫船彼此持械爭鬪致傷多人倉場嚴

拏題叅送部從重究擬

康熙五
十七年

一漕船連幫併行每多生事康熙五十七年題

定浙江幫船分夾江南幫內湖廣幫船分夾江

西幫內彼此勢孤力薄免致爭鬪

一糧船頭舵水手砍伐官柳拆毀緯橋拔樁掘

瑋嚴提治罪估價追賠押運官弁及地方文武

各官併行叅處

康熙六
十一年

一水手聚衆搶奪十人以上執持器械者首犯
照強盜律治罪爲從者減一等十人以下無器
械者照搶奪律治罪出結之旗丁頭舵容隱不

首照強盜窩主律分別治罪

康熙六
十一年

一押運領運各官弁例應嚴押漕船毋許丁舵
水手登岸生事如有不法匪徒卽會同地方催
漕各官協拏究治倘平時不行約束臨時又復

容隱者總漕指名題參照例革職

康熙六十年

一糧船水手白日強劫居民放火搶掠者嚴拏

究擬押運等官革職並查取地方文武不行擒

拏縱容職名議處

康熙六十年

一頭艍水手兌漕後有延挨時日包攬貨物及
回空串通奸棍收帶私鹽並崇尚邪教聚衆行
兇者雍正元年欽奉

諭旨令地方官不時查拏從重治罪如奉行不力卽將
該管官弁指名題參欽此

一河流於淺時旗丁人等任意攬載客貨致船
重難行及沿途遇淺掣商船起綴借端需索雍
正二年欽奉

諭旨若再用起撥當各嚴飭所屬官弁約束不得仍蹈
前轍欽此

一旗丁運糧進京沿途有凶懷挾私忿彼此爭
鬪逞其兇頑肆行無忌又因沿途守凍竟行搶
奪擾害居民並強取百姓衣物雍正二年欽奉
諭旨有如從前爭鬪傷人及搶奪擾民之事該督撫卽

行奏聞請旨於彼地立刻正法欽此

一糧船舵水聚眾搶奪鹽店鹽船為首者立決

為從者流旗丁擬杖俱不准援赦隨幫革職押

運官議處

雍正二年

一回空糧船夾帶私鹽不服盤查持械拒捕者

分別十人上下及傷人不傷人各按首從依律

治罪其雖無私鹽但闖關闖關者亦分別首從

治罪若未闖關聞但夾帶私鹽者照販私律加

一等治罪

雍正二年

一糧船夾帶私鹽將販私地方之專管官降三級調用兼轄官降一級罰俸一年押空之運官

照徇庇例議處隨幫革運其恃衆闖關闖關及販私拒捕傷人者押運等官革職隨幫照例責

革
雍正二年

一旗丁與水手爭鬪不經官究治擅自捆縛割耳毆傷者將旗丁並下手之人枷號一個月發

烟瘴地方充軍
雍正七年

一糧船水手多無賴之徒嗣後回空到省未經

開行之先責成本省巡撫及糧道等官開兌出境之後責成漕運總督及沿途地方文武等官到津以後責成倉場坐糧廳天津總兵通州副將天津通州地方官各按該地方嚴行稽查一有過犯協同押運官立即擒拏按律懲治倘押運官弁或有徇縱地方文武不行查拏事發之日該督撫卽行題叅徇縱之押運官弁照例革職仍按犯事地方分別將督糧道坐糧廳及天津通州二府州副將並沿途該管地方文武各

官弁降二級調用巡撫倉場漕督天津總兵官
各降一級留任如一經事犯卽協拏申報者免
議若已經申報而巡撫總漕倉場等不行題叅
將不行題叅之督撫鎮等降一級調用
雍正七年
一漕船由江經過蘆洲有不法水手糾集多人
恃強上岸奪取蘆葦者雍正十三年欽奉

諭旨責令領運弁丁嚴行約束督運押運等官留心查
察若任其肆行將大小文武運官分別嚴加議處欽
此

一漕糧到通由通運京由各關雇夫扛運此項夫役率多游手無賴之徒往往倚衆橫行乾隆元年奏准令坐糧廳及大通橋監督協同地方官不時稽查並取號頭不敢容畱匪類甘結存案如有不法等事號頭徇隱不報以及縱令遠颺者併坐以罪該管各官不行查拏從重議處一正副旗丁過淮之後私自回家暗令舵工包運抵通又夾帶私鹽私茶硝磺違禁等物及潛畱犯事衿監訟師旗逃掛子白蓮教並來厯不

明之人藏匿幫中勾連生事又攔截河流欺壓民船水手肆橫逞克打降盜竊攘奪等弊總漕嚴飭該管官不時查察如官丁等敢犯此等情弊卽行照例題叅分別治罪

乾隆七年

一楚省解京木簾及裝運送部什物船隻如解官約束不嚴以致船戶水手人役敢與漕船爭先奪路鬪毆滋事卽聽所在地方詳報該省督

撫分別叅究

乾隆十八年

一隨幫償押空船不能彈壓舵工水手反統率

丁舵水手人等毆打傷人將該隨幫咨部斥革

乾隆二

十三年

一丁舵在途毆打進京職官隨幫不能約束反

行助毆將隨幫照例斥革丁舵治罪

乾隆二
十三年

一糧船經過地方除竊案照舊辦理如有強劫

之案文武員弁俱照城內失事例初叅住俸勒

限一年緝拏二叅降一級調用

乾隆二
十三年

一糧船水手爲盜領運員弁除強劫之案仍照

例降調外若係行竊之案一經發覺將領押員

弁一案罰俸三個月如有數案照案遞加

乾隆二十

三年

一各幫有被盜之事領運千總強案每案罰俸一年竊案每案罰俸三個月倘挾勒隱諱從重

議處

乾隆二十三年

一定例各省糧船不許攜帶火礮鳥鎗等項軍器糧道衛備運弁嚴禁密查如有違禁私藏本犯治罪該管官議處乾隆二十三年奏准令空重千總各帶鳥鎗一桿以備巡守仍編列字號

責令空重干總自行收貯如有私行多帶仍照舊例議處

一差委運京解官船隻至閘河等處不隨糧艘行走任意停泊以致水手人等與糧船爭毆解員倚勢滋事將解員革職責四十板照例折贖水手人等杖一百折責四十板在河干枷號兩個月示衆

乾隆二十五年

一漕船水手因小事起釁聚衆打降生事不法毆差拒捕將爲首之犯擬絞爲次情罪較重者

發寧古塔烏拉地方當差爲奴照民例改發烟
瘴少輕地方充軍情罪稍輕者發邊衛充軍雖
有老親不准畱養其隨從跟往趕毆之犯分別
徒杖治罪旗丁杖一百折責四十板革運押空
千總杖八十革職押運通判罰俸一年乾隆二
十七年
一糧船回空夾帶私鹽管船同知通判等官知
情故縱者革職不知情降三級調用

一回空糧船路過山東時預於各省硝磺入境
之處飭令地方官弁分路巡查本省硝磺亦實

力稽查毋許囤戶偷販河干暗送入船併令搜
查私鹽之官帶查硝磺如查出私硝私磺地方
官照例議處外押運官照糧船夾帶私鹽例議
處

一衛所千總守備該管地方有私鑄小錢之人
知情故縱叅革治罪不知情失於覺察者每起
降二級調用於該管地方經紀舖戶有販賣攪
和私錢行使不行查拏者該管官每起降二級
調用如有從前失於覺察今但能拏獲者不論

年月遠近俱免其處分文官拏獲武職無論同城不同城均照本例議處交界處所拏獲概不援免運丁有攬和私錢行使領運官員知情任其夾帶者革職不知情者降三級調用

一私礮私硝漕船夾帶者將押運官降三級調用隨幫革運如倚恃糧船任意販載不服盤查押運官革職隨幫責四十板革退

一旗丁不親身押運將承派軍丁之衛守備罰俸一年其領運守備干總徇私不行查出各降

一級畱任如隨幫武舉明知不行申報亦照應
申不申例罰俸六個月

一運官並未因公羈絆以私事不親身押運糧
船抵通起卸已完始行趕到者革職因公羈絆
糧船抵通起卸已完始行趕到者罰俸六個月
一糧船到淮遇有短少該督卽審明題奏米石
畱旗丁兄弟子姪一人交與監兌官購買趕幫
兌交押運官並領運千總出具甘結呈報如領
運千總捏具甘結者降二級調用

一旗丁僅領運一進三進朦混呈請頂帶總漕
卽行斥革領運千總並不據實查明混行請給

照溺職例革職

乾隆三十
六年

一漕船雇覓短絳奸匪甚多一經破案審係何
幫舵水人等有勾畱容隱情事卽將該管千總
等照失察營兵窩竊窩盜之例專管官降二級
調用其船戶人等除勾引容畱分贓仍照例治
罪外如失事時有頻呼不應不力行救護者亦
應查明分別強竊照窩主不行不分贓律各減

一等治罪至該管千總如有拏獲別幫別案尋常賊犯者照武職營員緝獲別汛夥盜之例每名紀錄一次若果有出色之員能拏獲別幫盜首及破案盜竊積案巨窩者總漕於該千總交糧事竣照拏獲鄰境盜案之例分別辦理至糧船入境時除該地方原設有捕盜廳員毋庸添派外如漕船經由處所並未設有捕盜官應令該督撫臨時酌派能事捕盜同知通判一二員協同催儼官親往河干實力查拏如有前項疎

防失事卽將派委之廳員照盜賊經過不行窮

追例降一級畱任

乾隆三十八年

一糧船水手打死人命領運押運官照防範不
嚴例降一級畱任

一武職所屬營衛人等有犯邪教案件者仍照
文職例議處如武弁內有給與此輩執照告示
者革職該管上司降一級調用如有愚民創建
廟宇不行查禁反給告示者將給與告示之武
弁罰俸一年

一花戶因該管監督責打皂役求饒不允咆哮
公堂照打攪倉場欺凌官攢例擬以附近充軍
先於倉門首枷號三個月示衆皂役行杖徇情
照不應重律杖八十同管門倉役一併革役
乾隆五十二年

一犯竊刺字匪徒因遲給扛頭錢文細故於倉
儲重地混行嚷鬧經官役阻止仍復恃強咆哮
頂撞官長照兇惡棍徒生事擾害改發極邊足

四千里充當苦差

乾隆五十七年

一旗丁船上繹夫傷人身死失察之守禦所干
總照例降一級畱任銷去加一級抵免降級乾隆
六十年

一湖廣省地方爲小錢聚集之所乾隆六十年
欽奉

上諭令倉場於各幫到場村暫泊待撥時順便抽查漕
運總督於裁盤湖廣幫船時一體嚴密查察欽此

一白糧等幫水手加等索要土宜出艙錢文糾

衆滋事分別首從按律問擬

嘉慶四年

一水手向戩丁索加身工糾約多人拒捕傷官
按律處斬梟示又水手糾衆索加身工打損漕
船拒傷差役按律處絞其爲從各犯分別軍徒
事犯在清刑

恩旨期內情節較重軍徒各不准援減

嘉慶五年

一嘉慶十一年欽奉

上諭御史邱勲奏請嚴禁紳士包漕州縣苛斂一摺州
縣徵收漕糧均有一定科則如果斗斛公平嚴禁胥
吏從中侵漁需索地方紳士誰能持其短長乃州縣

金匱要略卷之三
官不知潔已愛民以收漕爲利藪而刁劣紳士遂爾
生心挾制私與官吏分肥包收包納其苦累者乃係
里黨窮民此等澆風實不可長亟宜嚴行整頓著各
該督撫先飭禁地方官力除加徵苛斂之弊如尙有
不肖紳士敢於受賄包漕一經查實如係職官卽指
名嚴叅若係生監卽行褫革究治務期貪墨知儆而
不肖劣紳亦無由逞其把持挾制之計於吏治民風
庶有裨益欽此

一北運河通判廖雯請於廬州二幫漕船赴領

撥船時任令胥役勒索錢文將該員奏請革職
家人書吏計贓在十兩以上發近邊充軍照例
刺字千總得受陋規杖六十徒一年

嘉慶十一年

一役滿花戶飭令回籍不許容留近倉地方幫

辦倉務並不許子弟接充以防盤踞

嘉慶十四年

一控告經紀用水漲米審屬虛誣復敢牽捏十

餘人應照全誣十人以上例發邊遠充軍

嘉慶十六年

年

一花戶因開放俸米輒敢以新抵陳得錢賣放

計贓在三百三十兩以上杖一百流二千里改
發黑龍江給披甲人爲奴照例刺字先於該倉
門首枷號兩個月滿日發遣其事後索分錢文
之人杖一百徒三年枷號一個月滿日充徒錢
文照追入官

嘉慶十
六年

一浙江海寧所旗丁林茂森舵工錢萬中等夾
帶私鹽停船消賣經汛弁捕拏又復拒傷弁兵
均杖一百流二千里領運千總知情不行究禁
迨丁舵拒捕輒敢捏飾應發往烏魯木齊當差

其失察之浙江糧道及押運廳員並私鹽經過

地方文武職名飭查叅處

嘉慶二十二年

一嘉慶二十五年浙江温州後幫水手艾三等
索添絞關錢文糾眾毆官徐德掠棄幫弁旗繖
刑部奏准將聚眾首犯艾三發極邊烟瘴充軍
爲從之徐德尙未傷官發附近充軍均面刺不
法水手四字

一道光元年漕督奏興武淮安滁蘇各幫水手
勒加工錢滋事奉

上諭成齡奏糧船水手滋事查拏審辦一摺軍船水手多係遊手無賴之徒往往恃眾滋事現在興武淮安滁蘇各幫船水手沿途糾集多人喝令住泊肆行訛索已有三案必應從嚴懲辦使知儆畏除已獲各犯外該漕督卽飭所屬將逸犯上緊緝拏務獲按律辦理如運弁軍丁等有短發工錢苦累虐使情事亦當究明懲辦勿涉偏袒並飭知沿途各州縣營汛認真彈壓不可稍有疎懈將此諭令知之欽此經蘇撫審奏刑部覆准與武六幫水手

趙元德勒加工錢糾衆嚷鬧擲破燈籠淮安二幫緯夫王志有等訛索旗丁擲毀艙櫓均比照棍徒擾害例分別首從問擬軍徒滁蘇幫水手孔繼由索加工錢挨船嚷罵比依違

制律杖一百

一道光四年奉

上諭魏元煜奏議禁糧船水手滋事章程一摺近年漕船水手肆惡逞刀凌虐商民船隻必應嚴定章程隨時懲辦以期各知儆戢茲據該漕督酌議具

奏向例各幫船水手以本軍內諳練者充當嗣多
雇用本地人夫及外來無籍之徒往往恃衆不法
著責成頭舵分別雇用確知姓名籍貫保結存案
毋任滋事潛逃至隨幫匪棍勾串水手互相包庇
窩盜應飭令運弁將頭舵水手年貌籍貫造冊呈
送每名給發腰牌停泊時按船查驗如仍虛應故
事卽行叅辦其蘇州常州鎮江揚州各府城河窄
狹每有攔阻商民船隻勒索滋鬧著各該營員親
駐河干輪流彈壓又糧船過境地方文武應帶同

兵役分查催儻著照例實力巡防毋稍疎懈該漕督仍督率糧道備弁留心整頓嚴加禁約務俾兇悍有所儆畏以肅漕務而安行旅欽此

一道光五年刑部議覆浙撫奏嘉白杭三兩幫鬪殺多命一摺議定糧船水手除搶奪及糾眾兇鬪殘殺多命之案照械鬪例按其致斃彼造人數分別定擬外如有糾眾傳發溜子欺凌運弁橫索旗丁錢文情兇勢惡者照惡棍設法詐財例爲首擬斬立決幫同嚇詐情節兇惡者依

爲從擬絞監候僅止附和助勢者發新疆給官兵爲奴若有滋事犯法抗官拒捕聚衆至四五十人者卽照直省刁民假地方公事強行出頭約會抗糧攬自聚衆之例分別首從已未毆傷官弁擬以斬梟斬絞其罪應擬斬情重各犯均於審明後恭請

王命先行正法以昭炯戒通行各省一體查照辦理仍由該撫將各條罪名刊刷告示發給糧船實貼曉諭並示諭經由地方兩岸居民如敢互相

勾結一體治罪續據吏部兵部會議嗣後遇有
水手糾眾殘殺之案押運領運及地方文武各
官如藉詞消弭畏葸不拏均照溺職例革職若
能拏獲究辦免其失察處分並將辦理妥速之
員按其所獲名數每名給予紀錄一次四名加
一級其同案未經獲犯之員查明果無諱飾規
避情事仍照本例酌減議處再押運武弁每幫
數十船向止千總一員不足以資彈壓應將押
送回空千總一員一併責成押運毋論北上南

下均一體約束稽查如領運之弁交糧後例應
引

見及委辦公事不能趕赴水次者專歸押空之弁約
束所有豫省幫船水手既據豫撫奏稱從無爭
執習教等事其軍船章程自無庸另議更張至
江浙等省糧船水手責成各糧道飭令頭伍人
等出結具保並將實在姓名籍貫住址有無親
屬詳查造冊存案其續到之人亦卽隨時登冊
以便易於查覈

一道光五年御史錢儀吉奏准各省幫船水手
有拜師授徒聯結夥黨情弊當設法查辦嗣據
漕督奏遵於各幫盤驗時詳加察訪并諭令每
年於開行時出具本幫弁丁不敢容留匪徒鈐
甘各結呈送察覈

一太倉後幫水手黃順林糾同談有得朱起並
張士洪等向千總楊學禮捏索

皇賞錢文不允將楊學禮毆傷又寧太幫水手張萬
林糾同楊立庭等江淮四幫水手陳二楞等聽

從劉大楞糾合攜有刀棍分赴各幫頭船向旗
丁索錢分用經江督奏辦刑部覆准將黃順林
張萬林均擬斬立決黃順林一犯恭請

王命先行正法談有得朱起陳二楞俱絞監候張士
洪等均僅止附和發新疆給官兵爲奴李貴等
短雇幫夥減一等各杖一百徒三年在逃各犯

獲日另結

道光六年

漕督奏籌備江浙等幫水手章程八款

一浙省幫船酌添閒運協理查每幫出運向係

實缺千總一員管押重運候補千總一員管押
回空彈壓稽查恐難周密各幫本有實缺千總
二人每年輪一人出運其閑運一人派令協同
重空千總往回照料專令沿途彈壓稽查倘有
水手滋事同輪運之千總一律叅處至寧前紹
前處前各幫係守備與千總分年輪運如值守
備閑運之年亦令一體隨幫彈壓此項添委閑
運人員辦理數載如果水手安靜幫情妥貼仍
應撤回以歸舊制

一各幫老官師傅應責成糧道督同運弁及地方官根查確實無論會否滋事按名拏獲解交原籍地方官取具鄉約地方保結嚴加管束不准外出仍以水手老官四字刺面按月點驗並責成重空運弁隨時查訪如再有老官師傅名目把持一幫水手入教聽從指揮者卽行嚴拏送官其老官師傅以教首本例論其拜師入教者以習教本例論倘幫弁姑容查明嚴叅一雇用頭舵水手責令重空千總及協同經理

之閒運備弁督同本船旗丁先儘本地良善水手僱募如雇不足數其有歷年在幫尙稱安靜之人詳慎選擇雇用均取具確實年貌籍貫住址按船造冊呈送備查並令出具連環保結一船生事十船連坐該幫三弁加具鈐結隨冊呈投倘有隨時更換水手一體取具冊結備查

一各幫水手滋事傷及人命拏交地方官照例辦理其有逞強勒加身工津費不服管束者俱交督押之糧道總運丞俾訊明錄供交地方官

治罪其有情節可惡面上刺滋事水手四字

一每船水手每指防夜爲名藏匿兇器應嚴飭幫弁於出通前按船搜查淨盡仍飭令丁舵時時防範如有藏匿卽時稟報究明來厯嚴行懲辦若知而不舉丁舵一併從重究辦幫弁姑容卽行嚴叅

一每年各幫船於開行後向有無籍匪徒隨幫播弄是非名爲放散風每於昏夜勾串各幫水手朋比爲奸應責成各船舵水如遇此等匪徒

到幫卽潛稟本官嚴拏究辦倘故爲容隱卽係
意圖勾串滋事本船旗丁卽時稟報幫官一併
查拏懲治仍嚴飭地方官隨時訪獲嚴辦

一沿河捕快多有老安潘安等教之人混跡充
當暗爲糧船水手護符勾串漁利應各飭沿河
所屬河廳州縣認真緝捕從重治罪

一浙幫過淮責成派出營員酌帶弁兵數十名
一路彈壓至柘園交直隸地面由天津鎮專委
營員帶兵接替彈壓如值幫船停泊卽當前後

安設帳房住歇務須聲勢連絡嚴密巡防回空
照此辦理至抵通停泊待兌各省幫船聚集一
方尤應派弁役梭織巡查奉

上諭訥爾經額奏籌辦江浙等幫水手章程酌議八
條內各幫老官師傅查拏解交原籍地方官管束
一條雇用頭舵水手官爲經理一條著該漕督悉心
體察飭屬詳慎妥辦固不可使幫船水手仍有
習教名目養癰貽患亦不可過事紛更徒滋擾累
其餘各條均著照所議辦理將此諭令知之欽此

嗣據奏奉

硃批嚴密妥慎辦理

以上入款
道光八年

一刑部奏審明聚眾歛錢打攪漕運各犯已革
干總杜煥藐法歛錢爲害運務按律加等問擬
發往新疆充當苦差已革訓導王三同不安本
分私買漕米加等杖六十徒一年兵目朱榮勒
索掛號錢文從重發往新疆種地當差爲從
朝玉等或起意邀請或幫同歛錢均杖一百徒

三年
道光二
十八年